

I CONCURSO ESCOLAR CONCELLO DO GROVE DE FOTOGRAFÍA MEDIOAMBIENTAL PARA ESCOLARES

O Concello do Grove convoca o I Concurso Concello do Grove de fotografía medioambiental para escolares, con motivo da celebración, o 5 de xuño, do Día Mundial do Medio Ambiente.

O concurso rexerase polas seguintes BASES:

1.º OBXECTO DO CONCURSO:

Concienciar á poboación grovense sobre as causas, os efectos e as solucións asociadas ao cambio climático e á perda da biodiversidade.

2.º PARTICIPANTES:

A este concurso poderá presentarse todo o alumnado do último ciclo de primaria e do último ciclo de secundaria de todos os centros públicos do concello do Grove, establecéndose un máximo de dúas fotografías por autor/a participante.

3.º CATEGORÍAS:

- A. 5.º e 6.º de primaria
- B. 3.º e 4.º de secundaria

4.º TEMÁTICA:

As imaxes farán referencia á biodiversidade e outros aspectos relacionados co medio ambiente do municipio:

1. Retratos naturais: imaxes que capturen recursos naturais de flora e fauna.
2. Boas prácticas medioambientais: que se convertan en chamadas de atención para expresar, con especial sensibilidade, o respecto polo medio ambiente.
3. Malas prácticas medio ambientais: imaxes que reflectan este tipo de feito.

5.º REQUISITOS DAS IMAXES:

As fotografías deberán ser inéditas e non ter sido premiadas nin recoñecidas ou seleccionadas noutros certames ou convocatorias similares. Serán excluídas aquelas fotografías que sexan retocadas, *collages*, montaxes ou fotografías pintadas.

Se na fotografía aparecen imaxes de persoas, serán tratadas conforme á Lei orgánica 15/199 de protección de datos de carácter persoal.

6.º FORMA DE PRESENTACIÓN E ENVÍO DAS FOTOGRAFÍAS:

1. Os traballos presentados serán orixinais e realizados en branco e negro ou en cor, e terán formato de 30x21 cm (DIN A4)
2. As fotos irán montadas sobre cartolina da cor que o autor/a considere, e acompañadas dunha copia en soporte dixital nun CD en formato JPG.
3. As imaxes irán acompañadas nun folio anexo dos seguintes datos:
 - a. Título da fotografía
 - b. Breve explicación do contido
 - c. Lugar onde foi feita
 - d. Nome, apelidos e idade do alumno/a participante
 - e. Centro de estudos, curso e grupo ao que pertence
 - f. Teléfonos de contacto
 - g. Autorización, se fose o caso, da persoa ou persoas que aparezan nas imaxes

7.º AVALIACIÓN DOS TRABALLOS:

Faranse segundo as seguintes fases:

1. O alumnado/a participante entregaralles os seus traballos aos seus respectivos titores/as.
2. Representantes municipais recollerán os traballos.
3. Os traballos serán valorados polo xurado designado, e os criterios de avaliación serán os especificados nos puntos 8 e 9.

8.º CRITERIOS DE VALORACIÓN:

Os criterios de valoración basearanse na:

1. Creatividade
2. Orixinalidade
3. Adecuación ao tema
4. Capacidade e claridade de transmitir a mensaxe
5. Grao de contribución á sensibilización e concienciación ambiental na poboación escolar

9.º XURADO:

O xurado estará formado, como mínimo, polos seguintes membros: un profesional da fotografía, un representante da Concellería de Educación do Concello do Grove, un representante da Concellería de Medio Ambiente do Concello do Grove e un funcionario/a da Administración local que actuará en calidade de secretario do xurado. O xurado, cuxas decisións serán inapelables, será dado a coñecer co ditame do premio. Facultarase o xurado para dilucidar sobre todas as cuestións non previstas nestas bases que poidan xurdir durante o desenvolvemento do concurso.

10.º PREMIOS:

Dous premios de 100 euros en cheques regalo. Concederase un premio por categoría, un para os niveis de 5.º e 6.º de primaria e outro para os niveis

de 3.º e 4.º de secundaria. Todas as fotografías formarán parte dunha exposición fotográfica que se realizará na Casa da Cultura do Grove.

11.º PROPIEDAD DAS IMAXES:

As fotografías gañadoras pasarán a ser propiedade do concello, reservándose este o dereito de ser utilizadas en promocións ou publicacións posteriores, ou no que considere oportuno que estea dentro da temática da convocatoria.

12.º DATAS DE ADMISIÓN DOS TRABALLOS E DATAS DE RESOLUCIÓN DO CONCURSO:

- a. Período de achega dos traballos: do 1 ao 30 de abril de 2012
- b. Datas de valoración do xurado: do 10 ao 12 de maio de 2012
- c. Data de entrega dos premios: 5 de xuño, lugar por confirmar

13.º ACEPTACIÓN DAS BASES:

A participación no concurso implica a plena aceptación das bases expostas.